

COMUN DA SAN MARTIN: Al vëgn indô formé na gradatöra por l'assegnaziun de terac da fabriché alisiré. La domanda é da dé jö te secretariat de comun cina ai 31.05.19. Formulars y Informaziuns é da ciafé tl secretariat de comun.

Al vëgn lascé alsavèi che le Comun de San Martin de Tor é por tó sò dal 01.06.2019 ai 17.02.2020 n/a assistènt/a aministratif – part-time al 50% – 6^a cualifica funziunala – en possess dl diplom de maturité y dl atestat de conescënza di lingac talian, todësch y ladin “B”; les domandes de assunziun mëss gní presentades cina le mertesc, 10.05.2019 dales 12.00, y spo, tl caje de mancianza de candidac, cina les 12.00 dl vëndres de vigni edema.

SANITÉ: Le dotur Ed. Agreiter é demez en jöbia y en vëndres, 2 y 3 de ma y vëgn sostitúí dala doturia Grete Mahlknecht 0474 523018 - 349 06 67 034

L'ambulatore dla doturia Mahlknecht é en dedolönesc, 30 d'aurí, davert danmisdé dales 8.00 – 10.00, impede domisdé.

L'apoteca Pütia a Picolin é stlütta l'atra edema dai 05 ai 12 d'aurí.

SAN MARTIN Y LUNGIARÜ

I romenun sò le paisc: Les uniuns inviëia pici y gragn en sabeda, ai 4 de ma, a San Martin dales 13.30 tl Ciamp dl Sport a Lungiarü dales 9.00 sön Plaza dla scora olach'al vëgn partí sò le laur. Gnide ince os – dedô s'aspetel na buna griliada!

SAN MARTIN

N bel dilan a düc chi che á daidé da arjigné ca y abelí les funziuns dl'Edema Santa. I orun tigní inant alalt chësc tēmp dan Pasca plēgn de significat y mister. N dilan ince a düc chi che á porté pro ala picia festa de compliagn de siur Iaco.

Nos jogn periun dōta la comunité da gní a daidé romené sò le paisc. Insciö abeliunse nosc paisc y ti fajun ince n gran sorvisc ala natōra. I organisun le de dl ambiēnt ai 4 de ma. I s'incuntun düc jō dal ciamp dl sport dales 13.30 olach'al vëgn partí fora i sac. Do le gran laur s'aspeta na buna griliada. I rengraziun bele danfora les uniuns che s'á dit de scé da daidé y periun che trōc y trōpes vëgnes a daidé. Deboriada fajunse snel y abinun adōm trōp ciomēnt. *La Uniun di Jogn*

LUNGIARÜ

Düc é bel invia da gní al marcé de patüc de secunda man por mituns incö, domēnia, 28 d'aurí, dales 9,00 ales 15,30 tl salf a Lungiarü. La Uniun di Ēi da Lungiarü dij bel dilan a chi che fej para.

Le KVV da Lungiarü mēt a jí n curs da fá pan cun farina intiera tigní da Hermann Dapoz, ai 14 de ma. Prenotaziuns y info 348 70 21 582.

Invit ala festa de 70 agn dla stampa ladina y d' La Usc di Ladins, che vëgn tignida en vëndres ai 3 de ma dales 18.30, tl salf dl Istitut Ladin a San Martin.

La Uniun Patrones da San Martin inviëia l'ater dedemesaledema, 8 de ma, dales 20.00, tl salf dl stödafüch da San Martin a n referat cun le Biogärtner Alex. Huber sura n urt sann y bel. Dedô baratada de ciüf, pelzes y somēnzes.

La fortuna é da ciasa tl ce! La Uniun di Artejans inviëia al referat cun Christine Wunsch „Das Glück im Kopf – Die richtige mentale Einstellung für zukunftsfähige und aufgeschlossene Unternehmer“ l'atra jöbia ai 9 de ma dales 20.00 tl salf dl stödafüch a San Martin.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

28.04. – 05.05.19 nr. 22

ultimo termo por comunicaziuns: jöbia dales 20.00
radio: 90,40 / 93,70

2^a DOMÈNIA DE PASCA – C DOMÈNIA BLANCIA - DOMÈNIA DLA MISERICORDIA

Vangele do Jan 20,19-31

I atri discepui ti à dit a Tomesc: I ùn odü le Signur.

Al ti à respognü: Sc'i ne vëighi nia les ferides di agüs te sües mans y sc'i ne pò nia mëte mi dëit tl büsc di agüs y mia man te so costà, ne creii nia. Otedé do ê sù discepui indô abinà adöm, y Tomesc ê laprò.

Dailò é gnü Gejù – les portes ê stlüttes pro – é jü amesa ëi ite y à dit:

Pêsc a os!

Spo àl dit a Tomesc:

Tëgn ca to dëit – chilò é mies mans!

Tëgn ca tûa man y mëtela te mi costà,
y ne stè a ester descredënt, mo credënt!


Tomesc ti à respognü:

Mi Signur y mi Dî!

Gejù ti à dit:

Deache te m'as odü, creieste.

Beâc é chi che ne vëiga nia y crei impò.



Forse se fissunse massa sön Tomesc che mëss odëi y pié ite por creie.

Ince i atri discepui s'alegrâ pormó canche Gejù ti à mostré sües plaies.

Ince súa fede n'ê nia maiú co chëra de Tomesc, ince súa fede ne s'accontentâ nia ma cun l'aldí.

La situaziun aldedaincö deperpo é chëra che nos messun s'accontenté cun l'aldí. Éra propi insciö?

Sc'i pënsi dō, spo él deplü esperiënzes co ma l'aldí che m'á condüt a creie.

Al é dantadöt le sentiment ch'i á che Chël Bel Dî me stá dlungia.

Al é la fede y la testimonianza de chi che crei cun me.

Al é l'amur y le bëgn che crësc tres indô sò amesa tan de soferënzes.

Y al é la parora de Dî che nes deura tres danü le cör a esperiënzes nōies.

	SAN MARTIN	LUNGIARÜ	 <i>I periun do l'intenziun dl Papa tl mëis de ma</i>
28.04.19 – Domënia Blanca 2ª DOMËNIA DE PASCA - C Domënia dla Misericordia	9.00 Prozesciun de San Germano 9.30 Gran Mëssa dla comunité	8.15 Gran Mëssa en onur de San Florian a d'intenziun di Stödafüch 14.00 Bato de Gabriel Kostner	I periun por i doturs y sü colauradus umanitars ti raiuns de vera che mët süa vita al prigo por d'atri.
29.04.19 Lönesc <i>Caterina da Siena</i>		20.00 Corona tla capela de S. Ujöp	DOMËNIA DLA MISERICORDIA
30.04.19 Dedolönesc <i>Pio, Hildegard, Rosamunde</i>	19.30 Mëssa + Otto Priester + Pire Unterweger por vis y def. Holzer, Lappach		
01.05.19 Dedemesaledema <i>Sant Ujöp Laurant</i>	19.30 Corona de ma a Bioch 20.00 Corona de ma sö Frëina	7.30 Mëssa – dedô corona de ma por familia de Albert Mischi + + Stasia y Johanna Schanung	
02.05.19 Jöbia <i>Atanase, Sigismund</i>	7.30 Mëssa di scholars + Giovanni Pescoller + Giovanni Tavella + + Fonjo y Milia Zingerle Corona por vocaziuns	19.30 Corona de má fora dala Gr ota 20.00 Incuntada por la Crejima cun les conduturies di grups	<i>Pro la corona podessun dí chisc misters dla misericordia:</i> Pröm mister: Gejú incunta la samaritana pro fistí. - <i>Gejú baia cun ëra y ti dij: Sce te savesses, che ch'al é che te dij: Dame da bère!, spo l'esste tö perié, y al t'ess dé ega via.</i> Secundo mister: Gejú vá a chirí la biscia pordüda. - <i>Al damana: Che ne ti vá pa nia do ala biscia pordüda cina ch'al la ciafa? Y canch'al l'á ciafada, ne la tolel nia plëgn de ligrëza sön sües sciabes?</i>
03.05.19 Pröm vëndres <i>Iaco y Filip apostui</i> <u>Confesciuns sö Oies cun siur Tone Fiung dales 16.30 ales 18.00</u>	Comuniun ai amará 18.30 Adoraziun chîta y confesciuns 19.00 Mëssa + Sepl Flöss, Anví por les Animes	7.00 Adoraziun y confesciuns 7.30 Mëssa + suor Alberta Mischi + + Isidor y Monica Mischi Comuniun ai amará	Terzo mister: Gejú incünda la misericordia dl Pere che tol sö le fi pordü. - <i>Dlun saltan ti vá le pere adincuntra, l'abracëia y le baja.</i>
04.05.19 Sabeda <i>Ciascian y Vigile, Florian</i>	15.30 Mëssa tla Ciasa de Palsa 18.30 Mëssa prefestia por les families de Maria Sorá, La Flu + Ida Flöss	20.00 Mëssa prefestia + Daniele Pezzei, Ghestan + + de Giovanni y Hannele Chiusura	Cuarto mister: Gejú ne condanëia nia la ëra che vëgn incolpada de adulter – <i>Al ti dij: Vá, y da sëgn inant no plü fà picé!</i>
05.05.19 3ª DOMËNIA DE PASCA - C	8.40 Prozesciun de S. Florian a Picolin 9.30 Gran Mëssa en onur de S. Florian dl ann + Tone Tolpeit dl ann + + Maria y Franz Chizzali 14.00 Bato de Norman Frenner	7.55 Corona de ma 8.15 Gran Mëssa dla Comunité 15.00 Corona tla capela de S. Ujöp	Cuinto mister: Gejú conforta le ladrun pentí. - <i>Al ti respogn: Amen, i te diji: Ciamò incô saraste cun me te paraisc.</i>
La Uniun di Èi Val Badia inviëia düc i èi y i jogh ala prozesciun cun linternes o ciandëres da se tó do en lönesc, 13 de ma, dales 21.00, da Porsenú (plaza dai auti Aquarena) a Neustift (ca. n'ora); dailó vëgnel stlüt jö la prozesciun cun na mëssa da festa. Al passa dales 19.20 n bus ia dala Burcia da San Martin. I interessá é peria da s'anunzié pro le surastant dl paisc o pro Salvester Vittur (333 7247516) cina en vëndres, ai 10/05		<i>Döt le bun a chi che complësc i agn de ma</i> <i>a San Martin</i>  <i>a Lungiarü</i> Emma Costabiei che nen complësc 82 al 1 Nina Rubatscher Tolpeit che nen complësc 89 al 1 Zita Prada Planatscher che nen complësc 84 ai 5 Pio Baldissera che nen complësc 90 ai 8 Cecilia Daporta Pezzei che nen complësc 91 ai 8 Monica Mischi Daporta che nen complësc 83 ai 13	